




EBCC MUMBAI
EVANGELICAL BAPTIST CONVENTION CHURCH

SINLAI 1: Pulakna





2021 a I SINLAI ding





EBCC MUMBAI
EVANGELICAL BAPTIST CHURCH OF INDIA
EBCC

[COMMENTARY SERIES ON THE HOLY BIBLE IN PAITE]


KORINTHTE

KIANG A LAIKHAK

KHATNA

BUNG 1-8

HILHCHEHNA



REV. GIN MALSAWM

THUPI Korinth Laikhak Pulakna

TANGVOM

1 Korinthte 6:20 “Noute man a leisa nahih man un, na pumpi uh leh na kha Pathian a mah in, Pathian pahtawi un.”

TUNI SINLAI GUHGET

1. KORINTH LAIKHAK TOH KISAI

- Laikhak Gelhtu
- Laikhak Mite
- Laikhak Hun

2. KORINTH KHOPI TOH KISAI


- Korinth Khopi
- Korinthte Khosakna
- Korinth Mite
- Korinthte Biakna

3. KORINTH SAPTUAM TOH KISAI

- Saptuam Kiphuhdan
- Saptuamte Buaina
- Saptuamte toh Paul Kizopna



LAIKHAK GELHTU



- **Gelhtu:** Paul ahi chih kipom chiat; buaina omlou hi.
- “*Korinthte kianga laikhak Sawltak Paul gelh ahihdan Laisiangthou sung leh Laisiangthou polam apan chianglua ahihman in Paul gelh hidia ginglou teitei ten Laisiangthou sutzou taktak lou ahihlam taklatna bangzaw hi.*” – Robertson & Plummer
- Clement of Rome, Ignatius, Polycarp ten le-
- A laigelhdan leh pau zatdan (*literary style & word usage*) apan Paul ahih gup ngamhuai hi.

LAIKHAK MITE

- **Korinth khua hongtun dan:**
 - Missionary Khualzin 2veina vel (AD 51-52) in Khasiangthou in Asia gam leh Bithinia a lut phallou in Masidonia a ding in SAM hi.
 - Hiai sapna mang in Masidonia gamsung a Philippi khua galkai uhi (Nas.16:6-12).
 - Philippi apan Amphikoli, Appolonia, Thessalonika, Beriah leh Athen tawn a Korinth tung (Nas.17:1; 10; 15; 18:1).

- **Korinth a kingakna mun:**
 - Priscilla & Akuila inn ah.
 - Amau Rome a khosa lai Kaisar Klaudia in AD.49-50 a Rome a kipan Judeate a hawlkhiai ziak a Korinth ana tungphet.
- **Korinth a bang sem:**
 - Puanbuk bawlkhwam zel.
 - Khawlni teng a synagogue a Judeate leh Greekte kuhkal tak a Pathian thu sinsak zel.

LAIKHAK MITE

- **Korinth a nasep gah:**

- Kha 18 a omsung in mi tampi in Pathian gingta in baptisna tang uhi.
- Gingtute'n saptuam heutu Krispus makaih in Tita Justa' inn ah bekhawm zel uhi (Nas.18:1-8).
- Paul in Korinth a nawtsiat nung in Alexandria khomi mipiltak leh Laisiangthou thei mahmah Apollos in saptuam kemtou a, Priscilla leh Akuila ten leng ana kithuahpih zel uhi (Nas.18:24-28; 1 Kor.3:6).

LAIKHAK HUN

■ **Gelhna mun:**

- Khualzin 3na a Ephesa a Pathian thu gen leh sinsak a kum 3 a om sung a a gelh hidia gintak ahi (Nas.19:1 – 20:31).

■ **A pansan/source:**

- Khloe inkuante a kipan saptuam sung a buaina tuamtuan te za (1:11).

- Korinth khua a saptuamten leng Stephenas, Fortunatus leh Achaicus te sawl in a buainate uh dawnna ding Paul va dong uhi (7:1; 16:17).

- Paul in dawnna a piak a nihveina ahi (5:9).
- Hiae mi 3 te mah in a laithon pawkik uh hidia gintak ahi.
- A gelh hun a Paul in Ephesa nawse nailou, lah nawtsiat sawmta ahihman in AD.54-55 vel a gelh hidia gintak ahi (16:5-6).



EBCC MUMBAI
EVANGELICAL BAPTIST CONVENTION CHURCH

KORINTH KHOPI TOH KISAI





EBCC MUMBAI
EVANGELICAL BAPTIST CONVENTION CHURCH

KORINTH KHOPI TOH KISAI





KORINTH KHOPIT OH KISAI

- Greece khopite laka poimoh mahmah khopi ahi.
- Achaia gam a Romete capital; mi tampi tenna leh khopi haus ahi.
- *Origin:* BC 1200 malam a Bronze Age hunlai pek apan omta hiding a gintak ahi.
- *Khopi suksiatna:* Romete tung a a hel ziak un Rome kumpi L. Mummius Achaicus in BC 146 in hiae khopi suse dimdem hi.
 - Hiae hun ah, Apollos biakbuk a kibu mi tamloute chihlouh a dangte thah leh sal dia zuakmang in om uhi.
- *Khopi tunding nawnna:* Kum 100 zoh BC 46 in Julius Caesar in tungding thak nawn a, Achaia a Rome solkar adia capital din bawl hi.



KORINTH KHOPPI TOH KISAI

- Greece gamsung a om himahleh Rome miten kou khua ahi chih claim na in Julius Caesar mintam in *Colonia Laus Julia Corinthiensis* chi uhi.
- Paul hun tan ah bel khopi lianlua hikei mahleh mun poimoh bangzahhiam a neihkhak man in khopi poimoh mahmah khat suak nawnta hi.
- ***Short-cut poimoh:*** Hiai khopi ah Greece simlam Peloponnesus leh mallam khopite kikawmtuah theihna ding mel 4 lel a sau *isthmus* om hi.
 - “**isthmus:**” – *a narrow strip of land that connects two larger land masses and separates two bodies of water.*



EBCC MUMBAI
EVANGELICAL BAPTIST CONVENTION CHURCH

KORINTH KHOPIT OH KISAI



© 2018, Ralph F. Wilson <pastor@joyfulheart.com>



KORINTH KHOPI TOH KISAI



- Khualzin miten Peloponnesus kimvel a tuipi tung mel 250 vel a gamla leh lauhhuai tawn a pai sangin hiai isthmus tawn nuamzaw uh a, huaiziak in a min ding in *dialcos* (short-cut) chi uhi.



KORINTH KHOPI TOH KISAI



- *Mun poimoh*: Hiai khopi in Gulf of Corinth longkhawlna munpi *Lachaion/Lechaeum* leh Saronic Gulf a Aegian tuipi longkhawlna munpi *Cenchreae* nei hi.



KORINTHTE KHOSAKNA



- **Sumsinna:** East-West-North-South a kipan sumsinna lampite kituntuahna ahihman in sunsinna munpi poimohtak ahi.
 - Gulf of Corinth leh Saronic Gulf ah sumsinna longpitен a vante uh suahkhe zel ua, isthmus ah pawkai zel uhi. Longneu ten bel suahkhe tuanolou in isthmus ah pawlut mai uhi. Huaiziak in, mun poimoh leh lemang ahi.



KORINTHTE KHOSAKNA



- *Dan a vaihawmna:* Hiai khopi vaihawmna tutphah a tuten case poimoh taktak a khentatna mun uh ahi (18:12).
- *Kisuklimna lam ah:* Cenchreae khaw mallam a Isthmian khopi ah kum 2-3 hal in kimawlna thupi leh poimohtak *The Isthmian Games* kichi neizel uhi. Hiai pen Greek mite a dia poimoh lua, tampipi a paikhawmna uh ahihman in Paul in a laikhak ah genkha hial hi (9:24-27).

KORINTH MITE

- **Nam tuamtuan:**

- Julius Caesar in a tunding nawn khit in Italy a kipan Rome miten va luahnawn pah uhi.
- Amau zoh in Greek mite leh namdang tuamtuan hong tenglut uhi.
- Paul in hiai laithon a gelhtan in bel hiai khopi ah Judeate leng hunkhop ompta uh chih muhtheih hi (Nas.18:4).

- **Pau tuamtuan:**

- Hiai khopi a *official language* Latin himahleh Greek pau zang leng tampi om uhi. A nih a kizangkhawm ahihziak tak in khatveivei a kibatlouhna uh hong langkhe zel lel hi.

KORINTH MITE

- **Tawndan kipolhkhawmna: cultural melting pot**
 - Korinth pen nam tuamtuam tampi tenkhawmna; pau-le-ham, tawndan leh chindan tuamtuamte kigawmkhawmna khopi ahi.
 - James Moffatt: “*Hiai khopi leh longkhawlnate tuk in Greece khopi dangte ah Greekte, Latinte, Syriate, Asiate, Aiguptate, leh Judeate kikal ah lei leh zuak, sepgim leh noptal, kinak leh nekkhawmtakkhawm a omkei.*”
- **Sumsinna a kitaitehna huaisia:**
 - “*Korinth khua a khualzin mi tengteng a ding ahikei:*” Korinth khopi a sumsinna a kitaitehna nasa law mahmah ahihman a, kuahiam khat in a silhlai puannak nasan mansuah thei chih genna.

KORINTH MITE

- ***Khalam keuna:***

- Hiai khopi pen mi huham leh duhgawl pente kisuktuanahna ahihman in khalam keuna leh bit kisaklouhna liantak om hi.

- ***Pilna leh siamna:***

- Hiai khopi ah thugensiam (orator) leh thilsuutmi (philosopher) tampi leng om uhi.
- Huai hunlai a dia mipil 7 telkhiakte laka khat, Periander, leng Korinth khomi ahi kichi hi.

KORINTHTE BIAKNA



- Korinth khopi simlam ah 2000 ft. vel a sang ***Acrocorinth*** kichi mun om hi. Huai mun pen pathian lemte biakna leh melmate apan bukna munpi ahi. Melma omhun a Korinth khomi tengteng banah khokiim a mite teng kibuktheihna ding khop a munlian ahi.
- Acrocorinth leh biakna kizawitawn dan: -

KORINTHTE BIAKNA




- *Aphrodite* biakna temple om.
- Goddess of love & fertility; identified with Venus by Romans.
- Aphrodite temple ah siampi nasem numei kizuak 1000 vel om ua, temple hohte ana kipolhpih zel uhi. Nitak chiang in khopi a hohsuk in, khualzinmite leh khotual mite toh thanghuaitak in kipawl zel uhi.



EBCC MUMBAI
EVANGELICAL BAPTIST CONVENTION CHURCH

APHRODITE TEMPLE: *THEN*





EBCC MUMBAI
EVANGELICAL BAPTIST CONVENTION CHURCH

APHRODITE TEMPLE: NOW



KORINTHTE BIAKNA

- **Melicertes:** tuipi tung a khualzinte pathian
- **Poseidon:** tuipi pathian
- **Demeter & Kore:** gahphatna pathian
- **Aclepius:** sa leh lungsim lam hihdamna pathian
- **Isis:** Aigupta te pathian
- **Emperor Cult:** kumpi leh a inkuante biakna
- Korinth khopi ah biakbuk, munsiangthou, milim, laigelh, sum a gelh, leh noppawl na tuamtuan te a dim in om hi.
- Aristophanes (ca 450-385): coined the term **Corinthiazo** (*Korinthte bang a gamta*).

KORINTH SAPTUAM KIPHUHDAN

- Missionary khualzin 2na ah kha 18 sung Korinth khua ah khosa a, Priscilla leh Akuila bel hi. Amau toh kithuah in puan-inn bawlkhawm ua, khawlni teng in Pathian thutak gen leh sinsak in nasatak in pang uhi.
- A nasepna tungtawn un Judeate leh Greek mi tel in mi tampi in Pathian gingta in Jesu Khrist sang uhi.
- Judaten a doudal ziak un Tita Justa inn ah bekhawm zel ua, Krispus in makaih zel hi.
- Huchi in, mi tamsem in Jesu Khrist sang ua, baptisma leng tang uhi (Nas.18:1-8). *Hiai hih saptuam kipatna in simtheih ding hi.*

KORINTH SAPTUAM KIPHUHDAN

■ A nungthu:

- Judate a kipan doudalna hong hat deuhdeuh tak in Paul leng thukhenna mai a dinsak in om hi. Himahleh Akhaia gam ukpa Galilio in a buaina uh Judate biakna dan toh kisai ahi chih a theih in thukhenna bawl utlou hi (Nas.18:12-17).
- Hiae nung sawtlou in Paul in Ephesa manoh in Korinth nawsia hi.
- Amah painung in Alexandria a kipan Apollo kichi, Pathian thu lunglut leh thugen siam mahmah, va tung hi. Thugente siam mahleh doctrine theihsiamna lam a taksap deuh ziak in Priscilla & Akuila in ana panpih zel uhi.



KORINTH SAPTUAMTE BUAINA

- **A kipatna:**

- Paul in a paisan nung a kipan ahi. Heutu hoiktaktak neitou mahle uh kim-le-kiang khovel ten nopneh gawp in buaina nasatak hontuak uhi.

- **Paul in a theihkhak dan:**

- Chloe mite a kipan zasawn.
- Saptuam in leng Stephenas, Fortunatas, leh Achaicus sawl in a dawnta pe ding in Paul ngen uhi (1:11-13; 7:1; 16:17).

KORINTH SAPTUAMTE BUAINA

▪ **Buainate:**

- Kipawlkhenna, khalam sangzaw a kikoihna, pilzaw kisakna (1-4).
- Numei-pasal kal a paktatna (5-6).
- Milim mai a kilan annekk thu (7-10)
- Toupa Nitak Ankuang toh kisai (11).
- Kha thilpiak toh kisai (12-14).
- Thohnawnna thu toh kisai (15).

Hiai buainate toh kisai dawnna hoih leh lungmuanhua tak pia in thukhupna bawl hi (16).

SAPTUAMTE TOH PAUL KIZOPNA

Paul leh Korinth saptuamte kichimat dan a laikhak zah leh vehzah a pan kithei hi:

- AD 51-52 vel: first visit
- AD 53 vel: first letter
- AD 54-55 vel: Saptuam ten Paul laikhak
- AD 54-55 vel: second letter (*1 Corinthians*)
- AD 55 vel: second visit
- AD 56 vel: third letter
- AD 56-57 vel: fourth letter (*2 Corinthians*)
- AD 56-57 vel: third visit

LAIKHAK APAN SIN DING

- Tangtawn gam buaipih lou a khovel leh salam kia buaipih nilouh ihikha hia?
- Pathian sang a itzawk khat peuh I neikha zenzen hia?
- Buaina-haksatna I tuah hun in Jesu Khrist mun I awn hia?

THU LAIGIL

Jesu Khrist a poimoh pen leh buaina khempeuh vengsaktu ahi.